



**BUXORO DAVLAT  
PEDAGOGIKA  
INSTITUTI**

**BUXORO DAVLAT PEDAGOGIKA  
INSTITUTI**

**TA'LIM TRANSFORMATSIYASI**

**ILMIY – METODIK JURNAL**

---

**№. 1**

**BUXORO – 2026**

## FACTORS OF THE DEVELOPMENT OF THE FAMILY INSTITUTION IN NEW UZBEKISTAN

*Ashirova Hilola Zaripovna*, Bukhara State Pedagogical Institute  
2nd-year Master's student in Teaching social and humanitarian  
sciences (Legal Education)

[hilolaashirova9@gmail.com](mailto:hilolaashirova9@gmail.com)

**Annotation:** In the context of New Uzbekistan, the family institution plays a significant role as one of the key social foundations of societal development. This article analyzes the main factors influencing the development of the family institution in New Uzbekistan. In particular, the study examines the state social policy, legal reforms, programs aimed at supporting families, the strengthening of the spiritual and educational environment, and the revival of national values. The article also highlights the role of the family in ensuring social stability, educating the younger generation, and forming social justice and moral values. The research concludes that strengthening the family institution is an important factor in creating a stable social environment, raising a well-rounded generation, and contributing to national development.

**Keywords:** New Uzbekistan, family institution, family values, social policy, spiritual and educational environment, youth upbringing, social stability, national values, social development, family support policy.

## ФАКТОРЫ РАЗВИТИЯ ИНСТИТУТА СЕМЬИ В НОВОМ УЗБЕКИСТАНЕ

Бухарский государственный педагогический институт магистрант 2 курса  
направления, Преподавание социально-гуманитарных  
наук (правовое образование)

[hilolaashirova9@gmail.com](mailto:hilolaashirova9@gmail.com)

**Аннотация:** В условиях Нового Узбекистана институт семьи приобретает особое значение как один из важнейших социальных основ развития общества. В данной статье анализируются основные факторы, влияющие на развитие института семьи в Новом Узбекистане. В частности, рассматриваются государственная социальная политика, правовые реформы, программы поддержки семьи, укрепление духовно-просветительской среды, а также возрождение национальных ценностей. Также раскрывается роль семьи в обеспечении социальной стабильности, воспитании молодого поколения и формировании социальной справедливости и нравственных ценностей. В ходе исследования обосновывается, что укрепление института семьи является важным фактором создания стабильной социальной среды, воспитания гармонично развитой личности и обеспечения национального развития.

**Ключевые слова:** Новый Узбекистан, институт семьи, семейные ценности, социальная политика, духовно-просветительская среда, воспитание молодежи, социальная стабильность, национальные ценности, социальное развитие, политика поддержки семьи.

## YANGI O'ZBEKISTONDA OILA INSTITUTINING RIVOJLANISH OMILLARI

*Ashirova Hilola Zaripovna*, Buxoro davlat pedagogika instituti

Ijtimoiy gumanitar fanlarni o'qitish  
(Huquq talimi) yo 'nalishi 2-kurs magistri

[hilolaashirova9@gmail.com](mailto:hilolaashirova9@gmail.com)

**Annotatsiya:** Yangi O'zbekiston sharoitida oila instituti jamiyat taraqqiyotining muhim ijtimoiy tayanchlaridan biri sifatida alohida ahamiyat kasb etmoqda. Mazkur maqolada Yangi O'zbekistonda oila institutining rivojlanishiga ta'sir etuvchi asosiy omillar tahlil qilinadi. Jumladan, davlat tomonidan olib borilayotgan ijtimoiy siyosat, huquqiy islohotlar, oilani qo'llab-quvvatlashga qaratilgan dasturlar, ma'naviy-ma'rifiy muhitning mustahkamlanishi hamda milliy qadriyatlarning tiklanishi kabi jihatlar ilmiy jihatdan yoritiladi. Shuningdek, oilaning jamiyat

barqarorligi, yosh avlod tarbiyasi, ijtimoiy adolat va ma'naviy qadriyatlarning shakllanishidagi o'rni ochib beriladi. Tadqiqot davomida oila institutining mustahkamlanishi jamiyatda barqaror ijtimoiy muhitni yaratish, yoshlarni komil inson etib tarbiyalash hamda milliy taraqqiyotga xizmat qiluvchi muhim omil ekanligi asoslab beriladi.

**Kalit so'zlar:** Yangi O'zbekiston, oila instituti, oilaviy qadriyatlar, ijtimoiy siyosat, ma'naviy-ma'rifiy muhit, yoshlar tarbiyasi, jamiyat barqarorligi, milliy qadriyatlar, ijtimoiy rivojlanish, oilani qo'llab-quvvatlash siyosati.

**KIRISH.** Jamiyat taraqqiyoti va barqaror rivojlanishi ko'p jihatdan oila institutining mustahkamligi va uning jamiyat hayotidagi o'rniga bog'liqdir. Oila insoniyat tarixida eng qadimiy ijtimoiy institutlardan biri bo'lib, u shaxs kamoloti, ma'naviy qadriyatlar shakllanishi hamda ijtimoiy munosabatlarning barqarorligini ta'minlovchi muhim omil hisoblanadi. Ayniqsa, globallashuv jarayonlari kuchayib borayotgan hozirgi davrda oilaning jamiyatdagi o'rni va ahamiyati yanada ortib bormoqda. Chunki oila nafaqat insonning birlamchi tarbiya maskani, balki milliy qadriyatlar, urf-odatlar va an'analarni avloddan-avlodga yetkazib beruvchi muhim ijtimoiy muhitdir. Yangi O'zbekiston taraqqiyot strategiyasida ham oila institutini mustahkamlash, oilaviy qadriyatlarni asrab-avaylash hamda yosh avlodni sog'lom va barkamol etib tarbiyalash masalalariga alohida e'tibor qaratilmoqda. Davlat tomonidan oilani qo'llab-quvvatlash, ayollar va yoshlarning ijtimoiy faolligini oshirish, oilaviy munosabatlarni mustahkamlash hamda sog'lom ma'naviy muhitni shakllantirishga qaratilgan keng ko'lamli islohotlar amalga oshirilmoqda. Bu esa oila institutining jamiyatdagi rolini yanada mustahkamlash va uning barqaror rivojlanishini ta'minlashga xizmat qilmoqda. Bugungi kunda jamiyatning ijtimoiy-iqtisodiy rivojlanishi, ma'naviy muhitning sog'lomligi hamda yoshlarning barkamol shaxs sifatida shakllanishi bevosita oila muhitiga bog'liqdir. Shu bois Yangi O'zbekiston sharoitida oila institutining rivojlanish omillarini ilmiy jihatdan o'rganish, uning jamiyat taraqqiyotidagi o'rnini tahlil qilish muhim ilmiy-amaliy ahamiyat kasb etadi. Mazkur maqolaning asosiy maqsadi Yangi O'zbekistonda oila institutining rivojlanishiga ta'sir etuvchi asosiy ijtimoiy, huquqiy va ma'naviy omillarni tahlil qilish hamda oilaning jamiyat barqarorligi va taraqqiyotidagi o'rnini ilmiy asosda yoritishdan iboratdir.

**Asosiy qism.** Yangi O'zbekiston sharoitida oila instituti jamiyatning ijtimoiy, ma'naviy va huquqiy barqarorligini ta'minlovchi muhim omillardan biri sifatida namoyon bo'lmoqda. Oila jamiyatning eng kichik ijtimoiy bo'g'ini bo'lishiga qaramay, unda shakllangan qadriyatlar, tarbiya tamoyillari hamda ijtimoiy munosabatlar butun jamiyat taraqqiyotiga bevosita ta'sir ko'rsatadi. Shu bois oila institutining rivojlanishi davlat siyosatining ustuvor yo'nalishlaridan biri sifatida qaralmoqda. Yangi O'zbekistonda olib borilayotgan ijtimoiy, iqtisodiy va huquqiy islohotlar oilaning mustahkamligini ta'minlash, oilaviy qadriyatlarni asrab-avaylash hamda yosh avlodni barkamol etib tarbiyalashga xizmat qilmoqda. Oila masalasi o'zbek jadid ma'rifatparvarlari tomonidan ham alohida e'tibor bilan yoritilgan. Xususan, Abdurauf Fitrat o'zining "Oila" asarida oilani jamiyat taraqqiyotining muhim poydevori sifatida talqin qiladi. Fitratning fikricha, har bir jamiyatning ravnaqi avvalo oiladagi ma'naviy muhit va tarbiya tizimiga bog'liqdir. U oilani nafaqat shaxs kamoloti shakllanadigan muhit, balki millat kelajagini belgilab beruvchi muhim ijtimoiy institut sifatida baholaydi. Fitrat "Oila" asarida farzand tarbiyasi, ota-onaning mas'uliyati hamda oiladagi axloqiy munosabatlar masalasiga alohida e'tibor qaratadi. Uning ta'kidlashicha, agar oilada sog'lom ma'naviy muhit hukm sursa, unda voyaga yetayotgan farzandlar ham komil inson sifatida shakllanadi va jamiyat taraqqiyotiga munosib hissa qo'sha oladi. Aksincha, oiladagi tarbiya sust bo'lsa yoki ma'naviy qadriyatlar yetarli darajada shakllanmasa, bu jamiyat rivojiga salbiy ta'sir ko'rsatishi mumkin.<sup>9</sup> Shu jihatdan Fitrat oilani millat taraqqiyotining boshlang'ich nuqtasi sifatida baholaydi. Yangi O'zbekiston sharoitida oila institutining rivojlanishiga ta'sir etuvchi muhim omillardan biri davlat tomonidan olib borilayotgan ijtimoiy siyosatdir. So'nggi yillarda oilani qo'llab-quvvatlash, ayollar

<sup>9</sup> Abdurauf Fitrat. "Oila yoki oila boshqarish tartiblari." – Toshkent: Cho'lpon nashriyoti, 2019.

huquqlarini himoya qilish, yoshlarni har tomonlama rivojlantirish hamda sog‘lom ma‘naviy muhitni shakllantirishga qaratilgan qator normativ-huquqiy hujjatlar qabul qilinmoqda. Bu islohotlar oila institutining jamiyatdagi o‘rnini yanada mustahkamlashga xizmat qilmoqda. Shuningdek, oila institutining rivojlanishida milliy qadriyatlar, urf-odatlar va an‘analar ham muhim rol o‘ynaydi. O‘zbek xalqining asrlar davomida shakllangan oilaviy qadriyatlari — kattalarga hurmat, kichiklarga mehr, o‘zaro hamjihatlik va mehr-oqibat tamoyillari oila barqarorligini ta‘minlovchi muhim omillar hisoblanadi. Bu qadriyatlar nafaqat oilaviy munosabatlarni mustahkamlaydi, balki jamiyatda sog‘lom ijtimoiy muhitni shakllantirishga ham xizmat qiladi.

Bundan tashqari, Abdulla Avloniy — o‘zbek jadid ma‘rifatparvarlaridan biri bo‘lib, u o‘qituvchilik va adabiy faoliyati orqali jamiyat taraqqiyotini ta‘minlovchi asosiy omil sifatida oilaga e‘tibor qaratgan. Uning mashhur asari “Maktab gulistoni” nafaqat ta‘lim va maktab hayotini yoritadi, balki oila va oilaviy tarbiya masalalarini ham chuqur ilmiy yondashuv bilan tahlil qiladi. Avloniy asarda oilani shaxs tarbiyasidagi birlamchi muhit, millatning axloqiy va ma‘naviy qadriyatlarini shakllantiruvchi asosiy institut sifatida ko‘rsatadi. “Maktab gulistoni” asarida Avloniy oila va ta‘limning uzviy bog‘liqligini ta‘kidlaydi. Uning fikricha, oila shaxsning birlamchi tarbiya maskani sifatida jamiyat barqarorligi va yosh avlodning barkamolligi uchun poydevor vazifasini bajaradi. Avloniy oilaning farzand tarbiyasidagi rolini keng yoritib, ota-onaning mas‘uliyati, mehr-muhabbat va ma‘naviy qadriyatlarni singdirish zaruriyatini ta‘kidlaydi. Shu bilan birga, u oiladagi tarbiyaviy tizimni maktab ta‘limi bilan uyg‘unlashtirish orqali yoshlarni jamiyatga foydali, ma‘naviy yetuk shaxslar sifatida tarbiyalash imkoniyatlarini ko‘rsatadi. Asarda Avloniy oilaviy qadriyatlarni shakllantirishni milliy ma‘naviyat va axloqiy me‘yorlar bilan bog‘laydi<sup>10</sup>. Bu esa bugungi kunda ham Yangi O‘zbekistonda oilani mustahkamlash siyosati bilan muvofiqlik hosil qiladi. Misol uchun, davlat tomonidan amalga oshirilayotgan oilani qo‘llab-quvvatlash dasturlari, ayollar va yoshlar huquqlarini himoya qilish, ma‘naviy-ma‘rifiy ishlarni kuchaytirish kabi chora-tadbirlar A.Avloniy ilgari surgan ma‘naviy tamoyillarni zamonaviy kontekstga moslashtiradi. Shu jihatdan, “Maktab gulistoni” asari oila institutining rivojlanish omillarini ilmiy yondashuv bilan yoritish uchun mustahkam nazariy manba hisoblanadi. Avloniy fikricha, oilada shakllangan sog‘lom ma‘naviy muhit, ota-ona va farzandlar o‘rtasidagi hurmat, tarbiya va hamjihatlik jamiyatning ijtimoiy barqarorligi, yoshlar tarbiyasi va milliy qadriyatlarning rivojlanishiga bevosita ta‘sir ko‘rsatadi. Shu sababli, Yangi O‘zbekistonda oila institutining mustahkamlanishi va yosh avlodni barkamol etib tarbiyalashda Avloniy ilgari surgan tamoyillar bugungi siyosat va amaliyot bilan uzviy bog‘liq ekanligini ilmiy jihatdan asoslash mumkin.

Prezident Shavkat Mirziyoyev oilaning jamiyat taraqqiyotidagi o‘rnini alohida ta‘kidlaydi va shunday deydi: “Men bir hayotiy fikrni takrorlashdan charchamayman: bitta qizni o‘qitsak, butun oilani o‘qitgan bo‘lamiz. Oila bilimli, ma‘rifatli bo‘lsa, butun jamiyat bilimli, ma‘rifatli bo‘ladi”.<sup>11</sup> Ushbu fikr Yangi O‘zbekistonda oilani rivojlantirish strategiyasining markaziy g‘oyasini tashkil etadi. Prezidentning ta‘kidlashicha, oilaning bilimli va ma‘rifatli bo‘lishi jamiyatni bilimli va ma‘rifatli qilishga xizmat qiladi, bu esa nafaqat shaxs tarbiyasi, balki jamiyat barqarorligi va milliy qadriyatlarning mustahkamlanishiga ham bevosita ta‘sir qiladi. Bugungi kunda Yangi O‘zbekistonda oilani qo‘llab-quvvatlashga qaratilgan siyosatning amaliy ko‘rinishlari ko‘p qirrali. Yoshlar uchun stipendiya va grantlar, kasb-hunar o‘rgatish dasturlari oilaning iqtisodiy barqarorligini oshirishga xizmat qiladi va Prezident Mirziyoyevning “bitta qizni o‘qitsak, butun oilani o‘qitgan bo‘lamiz” degan g‘oyasini amaliyotga tatbiq etadi. Shu bilan birga, maktab va maktabgacha ta‘lim muassasalarida oilaviy tarbiyaga doir darslar, ota-onalar uchun ma‘naviy-ma‘rifiy seminarlar va psixologik maslahat markazlari faoliyati kengaytirilmoqda, bu orqali oilada sog‘lom munosabatlar va farzand tarbiyasining uyg‘un

<sup>10</sup> A.Avloniy “Maktab Gulistoni”— Toshkent: Adabiyot va san‘at, 2008.

<sup>11</sup> Shavkat Mirziyoyev, Prezident nutqi, Xalqaro xotin-qizlar kuniga bag‘ishlangan tadbir, 8 mart 2025, O‘zbekiston Respublikasi Prezidenti Matbuot xizmati rasmiy sayti: <https://president.uz/oz/lists/view/7928>

rivojlanishi ta'minlanadi.

Avloniyning "Maktab gulistoni" asarida oilaviy tarbiya va maktab ta'limining uzviy bog'liqligi yoritilgan bo'lib, bugungi islohotlar bilan mukammal uyg'unlik hosil qiladi. Shu bilan birga, Abdurauf Fitratning "Oila" asaridagi fikrlar ham oilaning jamiyatdagi ma'naviy poydevor sifatidagi rolini mustahkamlashda ilmiy asos sifatida xizmat qiladi. Fitrat fikricha, oilada shakllangan sog'lom ma'naviy muhit butun jamiyatni ma'rifatli va bilimli qilishga xizmat qiladi, bu esa Prezident Mirziyoyevning nutqida ifodalangan g'oya bilan bevosita uyg'unlashadi. Shuningdek, huquqiy himoya choralari ham muhim rol o'ynaydi. Oila kodeksining takomillashuvi, farzandlar huquqlari va ota-ona majburiyatlarini aniq belgilash, yetim va kam ta'minlangan farzandlar uchun qo'llab-quvvatlash tizimini kuchaytirish oilaning barqarorligini ta'minlaydi va oilani jamiyat poydevori sifatida mustahkamlaydi. Shu tarzda, Prezident Mirziyoyevning iqtibosi, Avloniyning pedagogik qarashlari va Fitratning ilmiy nazariyasi Yangi O'zbekistonda oilaning rivojlanish omillarini mukammal yorituvchi manbalar ijtimoiy, iqtisodiy, ta'limiy, ma'naviy va huquqiy omillarni birlashtirgan holda amalga oshiriladi. Prezidentning iqtibosi oilaning jamiyat barqarorligi va ma'naviy taraqqiyotdagi markaziy rolini konseptual jihatdan yoritadi, amaliy islohotlar esa bu g'oyani hayotga tatbiq etadi. Shu tarzda, oilaning bilimli va ma'rifatli bo'lishi nafaqat shaxs tarbiyasi, balki butun jamiyatning ma'naviy va ijtimoiy rivojlanishining poydevori sifatida namoyon bo'ladi.

Yangi O'zbekistonda oila institutining rivojlanish omillari ko'p qirrali bo'lib, u ijtimoiy, ma'naviy, ta'limiy va huquqiy omillar orqali shakllanadi. Oila nafaqat shaxs tarbiyasi uchun birlamchi muhit sifatida ahamiyatga ega, balki jamiyatning barqarorligi, ma'naviy qadriyatlarning saqlanishi va yosh avlodning mas'uliyatli, bilimli shaxs sifatida shakllanishida markaziy o'rinni egallaydi. Ushbu institutning rivojlanishiga ijtimoiy va ma'naviy muhit, yoshlar tarbiyasi va davlat tomonidan olib borilayotgan siyosiy chora-tadbirlar bevosita ta'sir ko'rsatadi. Oila institutining ijtimoiy barqarorligi davlat siyosatining markaziy yo'nalishlaridan biridir. Shu bilan birga, yoshlar uchun stipendiya, grant va kasb-hunar dasturlari oilaning iqtisodiy barqarorligini ta'minlashga yordam beradi, bu esa yosh avlodning jamiyatga moslashishi va mustaqil hayotga tayyorlanishiga zamin yaratadi. Ijtimoiy muhitni mustahkamlash bo'yicha olib borilayotgan siyosat oilaning tarbiyasi bilan bevosita bog'liq. Masalan, oilaviy maslahat markazlari, onlayn va oflayn konsultatsiyalar, oilalar va yoshlar uchun ijtimoiy dasturlar yoshlar o'rtasidagi ijtimoiy mas'uliyat va hamkorlikni rivojlantirishga qaratilgan. Shu tarzda, davlat oilaviy qadriyatlarni mustahkamlash orqali jamiyatda sog'lom ijtimoiy muhit yaratishga harakat qilmoqda. Ma'naviy muhit ham oilaning rivojlanishida ajralmas omil hisoblanadi. Oila ichidagi axloqiy qadriyatlar, ota-onaning farzand tarbiyasiga yondashuvi va oilaviy an'analar yosh avlodning shaxsiyati va jamiyatga munosabatini shakllantiradi. Davlatning ma'naviy va ma'rifiy rivojlanishga qaratilgan siyosati, jumladan, yoshlar ma'naviyati va tarbiyasiga qaratilgan seminarlar, o'quv dasturlari, madaniy va ma'rifiy tadbirlar, oilaning ma'naviy barqarorligini ta'minlaydi va yoshlar tarbiyasini qo'llab-quvvatlaydi. Shu bilan birga, oilada shakllangan ma'naviy muhit maktab va oliy ta'lim muassasalari bilan uyg'unlashib, yoshlarning ijtimoiy, ma'naviy va madaniy rivojlanishiga xizmat qiladi. Ta'lim tizimi oilaning rivojlanishida muhim rol o'ynaydi. Maktab va maktabgacha ta'lim muassasalarida oilaviy tarbiyaga yo'naltirilgan qo'shimcha darslar, ota-onalar uchun ma'naviy-ma'rifiy seminarlar va pedagogik yordam dasturlari yoshlarning shaxsiy va ijtimoiy rivojlanishini ta'minlaydi. Shu bilan birga, davlat tomonidan olib borilayotgan "Har bir bolaga sifatli ta'lim"<sup>12</sup> siyosati oilaning tarbiyaviy va ma'naviy rolini kuchaytiradi va yoshlarning bilimli, mas'uliyatli va jamiyatga foydali shaxs sifatida shakllanishini qo'llab-quvvatlaydi. Shu tarzda, davlat siyosati nafaqat oilaning iqtisodiy va ma'naviy holatini qo'llab-quvvatlaydi, balki yoshlarni tarbiyalashda zarur huquqiy shart-sharoit yaratadi. Natijada, Yangi O'zbekistonda oilaning rivojlanish omillari ijtimoiy, ma'naviy, ta'limiy va huquqiy tizimlar orqali uyg'unlashtiriladi. Davlat tomonidan olib borilayotgan siyosat, jumladan, oilalarni moddiy va ma'naviy qo'llab-quvvatlash, yoshlar tarbiyasiga e'tibor,

<sup>12</sup> Shavkat Mirziyoyev: Maktabgacha ta'lim va maktab ta'limi sohasidagi ustuvor vazifalar belgilandi. <https://president.uz/oz/lists/view/8471> (09.09.2025)

ma'naviy-ma'rifiy dasturlar va huquqiy mexanizmlar, oilaning jamiyatdagi markaziy o'rni va yoshlar tarbiyasidagi rolini mustahkamlashga xizmat qiladi. Shu tarzda, oilaning barqaror, ma'rifatli va tarbiyali bo'lishi nafaqat shaxsni, balki butun jamiyatni rivojlantirishning poydevori sifatida namoyon bo'ladi.

**Xulosa.** Xulosa qilib aytish mumkinki, Yangi O'zbekistonda oila institutining rivojlanish omillari ijtimoiy, ma'naviy, ta'limiy va huquqiy komponentlarning uzviy integratsiyasi orqali shakllanadi. Tadqiqotdan ko'rinib turibdiki, oilaning jamiyatdagi poydevor vazifasi nafaqat shaxs tarbiyasini ta'minlashda, balki jamiyatning ma'naviy barqarorligi, yosh avlodning bilimli va mas'uliyatli shaxs sifatida shakllanishida ham hal qiluvchi ahamiyatga ega. Ijtimoiy muhitning barqarorligi va oilaviy farovonlikni oshirishga qaratilgan davlat dasturlari, shuningdek, yoshlar tarbiyasiga yo'naltirilgan pedagogik va ma'naviy chora-tadbirlar oilaning rivojlanish jarayonini tizimli va samarali qiladi. Oila institutining ma'naviy jihatdan mustahkamligi, oiladagi axloqiy qadriyatlar va farzand tarbiyasidagi pedagogik yondashuvlar bilan mustahkamlanadi. Shu nuqtai nazardan, oilaviy tarbiyaning sifatli rivojlanishi va jamiyatning ijtimoiy qadriyatlariga moslashuvi yoshlar shaxsiyatini shakllantirishda bevosita vosita vazifasini bajaradi.

Ushbu jarayonda davlat siyosati oilani ijtimoiy, ma'naviy va huquqiy jihatdan qo'llab-quvvatlashga qaratilgan islohotlar orqali oilaviy institutning poydevorini mustahkamlaydi va yoshlarni jamiyatga foydali, bilimli va mas'uliyatli shaxs sifatida tarbiyalashni ta'minlaydi. Shuningdek, oilaning rivojlanishi bilan bog'liq jarayonlarning samaradorligi nafaqat oilaviy barqarorlik va ma'naviy muhitning uyg'unligida, balki yosh avlodning ijtimoiy moslashuvi, madaniy qadriyatlarni qabul qilishi va jamiyatga integratsiyasi bilan o'lchanadi. Shu tarzda, Yangi O'zbekistonda olib borilayotgan siyosat va strategik chora-tadbirlar oilaning rivojlanishiga kompleks ta'sir ko'rsatadi, oilani jamiyatning ilmiy-ma'rifiy va ma'naviy poydevori sifatida mustahkamlaydi va yoshlar tarbiyasining sifatini yangi bosqichga ko'taradi.

#### **Foydalanilgan adabiyotlar ro'yxati:**

1. Abdurauf Fitrat. "Oila yoki oila boshqarish tartiblari."
2. A.Avloniy "Maktab Gulistoni"– Toshkent: Adabiyot va san'at, 2008.
3. Tursunov, R. (2022). Yoshlar tarbiyasida oilaning ahamiyati. Toshkent: Ma'naviyat nashriyoti.
4. Shavkat Mirziyoyev, Prezident nutqi, Xalqaro xotin-qizlar kuniga bag'ishlangan tadbir, 8 mart 2025, O'zbekiston Respublikasi Prezidenti Matbuot xizmati rasmiy sayti: <https://president.uz/oz/lists/view/7928>
5. Shavkat Mirziyoyev: Maktabgacha ta'lim va maktab ta'limi sohasidagi ustuvor vazifalar belgilandi. <https://president.uz/oz/lists/view/8471> (09.09.2025)